

庶物類纂

石屬
自十五至十六

容

太政官文庫			
和書門	特別	三三六二	第五番
類	號	函	架
四六五			

內閣文庫			
番號	和	32362	
冊數	465 (137)		
函號	特	54	1

百四

共廿七




Kodak Gray Scale



A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







庶物類纂石屬卷之十五目次

孔公孽

殷孽

土殷孽

石花


石牀

石骨

石髓

庶物類纂 卷十五

石屬目次



孔公孽

一名通石
神農本草


石屬 孔公孽

孔公孽

孔公孽一名通石殷孽根也青黃色生梁山山谷木
蘭爲之使惡細辛陶隱居云梁山屬馮期郡此卽今
鍾乳牀也亦出始興皆大塊打破之凡鍾乳之類三
種同一體從石室上汁溜積久盤結者爲鍾乳牀卽
此孔公孽也其次以小龍窠者爲殷孽今人呼爲孔
公孽殷孽復溜輕好者爲鍾乳雖同一類而療體爲
異貴賤懸殊此二孽不堪丸散人皆擣末酒漬飲之
甚療脚弱其前諸療恐宜水煮爲湯也按今三種同


根而所生各處當是隨其土地為勝爾唐本注云此
孽次於鍾乳如牛羊角者中尚孔通故名通石本經
誤以為殷孽之根陶依本經以為今人之誤其實是
也臣禹錫等謹按蜀本云凡鍾乳之類有五種一鍾
乳二殷孽三孔公孽四石牀五石花雖同一體而主
療有異此二孽止可酒浸不堪入丸散藥用嘉祐補
註本草
孔竅空通附垂于石如木之芽孽故曰孔公孽而俗
訛為孔公爾明李東璧
本草綱目
以薑石通石二石推之則似附石生而粗者為殷孽

接殷孽而生以漸空通者為孔公孽接孔公孽而生
者為鍾乳當從蘇恭之說為優蓋殷孽如人之乳根
孔公孽如乳房鍾乳如乳頭也上同



殷孽

一名薑石
神農本草



殷孽

殷孽一名薑石鍾乳根也生趙國山谷又梁山及南海採無時惡防已畏木陶隱居云趙國屬冀州此即今人听呼孔公孽大如牛羊角長一二尺左右亦出始興唐本注云此即石堂下孔公孽根也盤結如薑故名薑石俗人乃以孔公孽為之誤爾嘉祐補註本草


殷隱也生于石上隱然如木之孽也恭曰此即孔公孽根也盤結如薑故名薑石俗人乃以孔公孽為之誤矣詳孔公孽下明李東璧本草綱目

土殷孽

一名土乳唐本草

石屬 土殷孽

本草綱目卷之五十一



土殷孽

土陰孽味鹹無毒主婦人陰蝕大熱乾痂生高山崖上之陰色白如脂採無時陶隱居云此猶似鍾乳公孽之類故亦有孽名但在崖上爾今時有之但不復採用唐本注云此即土乳是也出渭州鄯縣三交驛西北坡平地上窟中見有六十餘坎昔人採處土人云服之亦同鍾乳而不發熱陶及本經俱云在崖上此說非也今渭州不復採用今按別本註云此則土脂液也生於土穴狀如殷孽故名土陰孽臣禹錫等


無功類集卷十五

石屬 土殷孽 二

謹按蜀本注云今據本經所載既與陶註同而蘇說
獨異恐蘇亦未是嘉祐補註本草
此即鍾乳之生於山崖土中者南方名山多有之人
亦掘為石山貨之充玩不知其為土鍾乳也明李東璧本草
綱目

石花

一名乳花唐本草




石花

石花是鍾乳滴于石上，迸散日久，積成如花者。蘇恭所說甚明。寇宗奭所說乃是海中石，梅石柏之類，亦名石花，不入藥用。非本草石花，正自誤矣。
明李東璧本草綱目


石屬

石花

廣物類彙編 石部 一



石牀



廣物類彙編 卷十五


石屬 石牀

石牀


石牀味甘温無毒酒漬服與殷孽同一名乳牀一名
 逆石唐本注云陶謂孔公孽即乳牀非也二孽在上
 牀花在下性體雖同上下有別鍾乳水下凝積生如
 笋狀漸長久與上乳相接為柱也出鍾乳堂中採無
 時唐本先附臣禹錫等謹按日華子云石筍即是石
 乳下凝滴長者與石花功同一名石牀

嘉祐補
 註本草

庶物類纂卷十五



石骨



庶物類纂


卷十五

石屬

石骨

一

蘇州雜錄




石骨

唐本注云五石脂中又有石骨似骨如玉堅潤服之
力勝鍾乳嘉祐補註本草


蘇州雜錄 卷十五

石屬 石骨 二

蘇州雜錄卷十五




石髓



蘇州雜錄卷十五

石屬 石髓

廣州雜錄



石髓

晉人虛無類多欺誕予觀王烈入山得石髓懷以餉
嵇叔夜夜視之則已為石矣然抱朴子云石中黃子
所在有之近水之山有多在大石中其石嘗溼潤不
燥打石見之赤黃溶溶如鷄子之在殼者便飲之不
爾便堅凝成石也據此與王烈所謂石髓何異恐所
得者只是此耳按仙經神山五百年一開石髓出飲
之者壽與天地齊故東坡因謂康當時杵碎或楷磨
食之豈不賢於雲母鍾乳輩然神仙要有定分不可

無功類纂

卷十五

石屬

石髓

二

力求晉人固好奇無實而坡復以仙經為信無乃一

徑度耶 出沈存中筆談○宋羅陳善捫蝨新話○津逮秘書

王烈入山得石髓懷之以餉嵇叔夜叔夜視之則堅

為石矣當時若杵碎或錯磨食之豈不賢於雲母鍾

乳輩哉然神仙要有定分不可力求退之有言我能

詰曲自世間安能從汝巢神仙如退之性氣雖出世

間人亦不能容叔夜癖息又甚於退之也 宋蘓東坡全集

按列仙傳言邛疏煮石髓服即鍾乳也仙經云神山

五百年一開石髓出服之長生王烈入山見石裂得

髓食之因撮少許與替康化為青石北史云龜茲國

北大山中有如膏者流出成川行數里入地狀如醞

醐服之齒髮更生病人服之皆愈方鎮編年錄云高

展為并州判官一日見砌間沫出以手撮塗老吏面

皴皮頓改為少年色展以為神藥問承天道士道

曰此名地脂食之不死乃發砌無所見此數說皆近

石髓也 明李東璧本草綱目

太行山在山西澤州城南自此東西一帶諸山雖因

地立名其實皆太行之支脉也六帖曰昔王烈嘗入

太行山聞雷聲往視之見山石上破數百丈石中有一孔尺餘中有青泥流出烈取搏之隨手堅凝氣味如粳米飯仙經所謂石髓也服之壽與天齊明彭大翼山堂

晉康遇王烈共入山烈嘗得石髓如飴即自服半餘半與康皆凝而為石乃歎曰叔夜志趣非常而輒不

遇命也明焦竑焦氏類林

周穆王北造崑崙之阿親飲絳山石髓食王樹之實而方墓平汲郡明陳禹謨駢志

仙經曰神山五百歲一開其中石髓出得而服之壽與天相畢金玉之精也明陳仁錫潛確居類書

神仙傳曰王烈入太行山忽見山破石裂青泥流出如髓裂取食之如飴餘半與嵇康皆凝而為石烈歎曰叔夜志趣非常而輒不遇命也同上

神仙經曰神山五年輒開其中石髓出得而服之壽與天地畢淵鑑類函

機謹按五字之下當有百字
臧榮緒晉書曰嵇康過邯鄲邯鄲人王烈自言二百

餘歲共入山得石髓如飴即自服半餘半與康皆化而為石石室中見一卷素書呼呼之間康取輒不見同上世說曰嵩高山北有大穴莫測其深百姓歲時游觀其上晉初嘗有一人誤墜穴中同輩冀其儻不死乃投食于穴中墜者得之為尋穴而行計可十餘日忽曠然見明又有草屋中有二人對坐圍碁局下有一杯白飲墜者告以飢渴碁者曰可飲此墜者飲之氣力十倍碁者曰從此西行有天井其中有蛟龍但投

身入井自當出若餓取井中物食之墜者如言可半年許乃出于蜀中歸洛下問張華張華曰此仙館也丈夫所飲者玉漿所食者龍穴石髓同上神仙傳曰王烈入太行山忽聞山東北雷聲往視之見山上破數百丈石中有一孔徑尺有青泥流出烈取搏之隨手堅凝氣味如粳米飯按仙經曰此石髓服之壽與天地齊同上石髓世說云晉初有人墮嵩山大穴西行入天井內有蛟龍此人饑則取井中物食之半年方出以問張

廣物類纂卷之十六
華華曰所食者龍穴石髓
書嵩

廣物類纂石屬卷之十六目次

石灰

蠟灰

海石 卽浮石

温石

陰陽石

廣物類纂卷之十六

石屬目次

石灰

一名堊灰神農本草 一名希灰名醫別錄 一名石堊陶隱居

一名鍛石日本草 一名白虎綱目 一名礦灰

上同註

俗名噎イシハ十法翼井州山城

本草綱目卷之六

石灰

燒白石作白灰既訖積着地經日都冷遇雨及水澆

即更燃煙焰起晉張華博物志

石灰可以藏鐵器宋蘇軾物類相感志

画上若粉被黑或硫煙熏了以石灰湯蘸筆洗二三

次則色復舊同上

蜀葵花削煨了以石灰蘸過令乾揅水餅中開至頂

而葉不軟同上

石灰山在南城係景鎮來龍土人取石燒灰有驚龍

無勿類纂卷十一

石屬

石灰

二

脉歛費買輸入學宮永禁取石

浮梁縣志

油絹紙石灰麥糠馬矢糞草皆能出火

宋陳師道後山談叢

陶隱居云中山屬代郡今近山生石青白色作竈燒

竟以水沃之即熟蒸而解末矣性至烈人以度酒飲

之則腹痛下痢療金瘡亦甚良俗名石堊古今多以

構塚用捍水而辟蟲故名古塚中水洗諸瘡皆即差

嘉祐補註本草

石灰生中山川谷今所在近山處皆有之此燒青石為灰也又名石鍛有兩種風化水化風化者取鍛了

石置風中自解此為有力水化者以水沃之則熟蒸

而解力差劣

本草圖經

今人作窰燒之一層柴或煤炭一層在下上累青石

自下發火層層自焚而散入藥惟用風化不夾石者

良

明李東璧本草綱目

古墓中石灰名地龍骨主治頑瘡癩瘡膿水淋漓歛

諸瘡口棺下者尤佳

同上

船油石灰名水龍骨主治金瘡跌撲傷損破皮出

血及諸瘡癩止血殺蟲

同上

蘇氏曰石灰南北皆有取石山不時采燒李氏曰今人作窰燒之一層柴或石煤累青石一層相間打疊窰中自下發火三晝夜層層自焚而成灰大塊不夾生石者佳可以風化可以水化風化者取灰置風中片片自解水化者以水灑之卽刻熱蒸而解入藥惟取風化者多或用水灌卽刻熱蒸滾化成糊以此糊墻壁極堅固

明倪朱謨本草彙言

明劉仕義新知錄

周始許公達以忠義自許嘗咏石灰詩云千錘萬鑿出深山烈火炎中鬪一番粉骨碎身都不顧止留清白在人間後為江西副使卒死宸濠之變母聞之曰吾兒素志今不負矣易曰君子以致命遂志公之謂歟

同歟上

葉南巖公應天尹少巖鎧父也刺蒲日有赴愬者流血被面經重創腦幾裂矣公惻然躬取刀瘡藥搗治令昇至幕廳委謹原者善視之戒其家人勿令前略覈罪狀收其仇家於獄餘盡釋之或問其故公曰此

人不即救死矣死抵命者一人寡人之妻孤人之子者幾人于証係累者幾人破家者幾人此人愈特一鬪歐眾耳且人情欲訟勝即骨肉亦有甘心者不可不防之也未幾傷者愈而兩家之訟息公之存心亦仁矣哉今記其方端牛日取韭菜搗汁和石灰杵熟為餅陰乾用以敷傷處血即止雖骨破者亦可合有奇效

明焦弱侯焦氏筆乘

明馮應京月令廣義

千金月令驚蟄日取石灰糝門限內外牆壁絕虫蟻

五日日出時採百草搗汁和石灰作餅陰乾治一切金瘡

同上

以石灰摻門牆壁下則除諸般蟲蟻

明范貞一典籍便覽

雪中煖酒大石灰一塊埋於雪中灰見雪則化將酒

壺放在雪上少頃便熱可飲客也

古今秘苑

凡石灰經火焚煉為用成質之後入水永劫不壞億萬舟楫億萬垣墻室隙防滲是必由之百里內外土中必生可燔石石以青色為上黃白次之石必掩土內二三尺掘取受燔土面見風者不用燔灰火料煤

炭居十九薪炭居什一先取煤炭泥和做成餅每煤餅一層疊石一層鋪薪其底灼火燔之最佳者曰礦灰最惡者曰窰濟灰火力到後燒酥石性置于風中久自炊化成粉急用者以水沃之亦自解散凡灰用以固舟縫則桐油魚油調厚絹紬羅和油杵千下塞船用以砌牆石則篩去石塊水調粘合甃墁則仍用油灰用以墜牆壁則澄過入紙筋塗墁用以衮墓及貯水池則灰一分入河沙黃土三分用糯米粳羊挑勝汁和勻輕築堅固永不隳壞名曰三和土其餘造

紙功用難以枚述凡溫台閩廣海濱石不堪灰者則

天生蠍蠟以代之清宋應星天工開物

驚蟄人家以石灰置柱礎謂不生虫蟻太平縣志

幕府山多石石人煨以為灰又名石灰山江南通志

石灰山縣北四十里石可燒灰湖廣總志

灰山縣南二十里山石俱黑可燒灰以資民用今廢

臨湘縣志

石灰青白二種以火煨石而成畿輔通志

石灰石用火鍛曰灰遵化州志

凡近山產石灰皆燒造但不如錢塘上四鄉及富陽之盛

杭州府志

三十四都土產石灰擇有石大山掘去上面其土中取大塊烏石用槌斲撲碎先砌一土埕鋪上烏石一層煤竝一層裝砌滿窑底下架柴發火燒二日煨烏石成灰色白如雪最宜肥田粉壁又大洲出烏柴

縣志

石灰用以塗壁以墾田西安近處亦時來貨買

常山縣志

礪灰

本草綱目卷之六

螻灰

凡海濱石山傍水處鹹浪積壓生出螻房閣中曰螻房經年久者長成數丈濶則數畝崎嶇如石假山形象蛤之類壓入巖中久則消化作肉團名曰螻黃味極珍美凡燔螻灰者執椎與鑿濡足取來藥舖所貨牡螻即此碎塊碎疊煤架火燔成與前石灰共法粘砌城牆橋梁調和桐油造舟切皆相同有誤以蜆灰即蛤粉為螻灰者不格物之故也清宋應星天工開物

無物類纂卷十六

石屬

螻灰

二

蘇州雜錄卷之六

海石

一名浮石日華本草 一名水花本草綱目

倍名カ夏ル而ト噎シ

蘇州雜錄卷之六

石屬 海石

海石

海石

浮石體虛輕浮在海中南海有之唐劉良文選

浮石石之輕者水中浮泛猶如桴棹唐呂延濟文選

石入水則沈而南海有浮石之山木入水則浮而南

海有沈水之鳥木虛實之相友也宋俞琰席上腐談○說郭

陽羨縣小吏吳龕於溪中見五色浮石因取內牀頭

至夜化成女子宋劉敞叔異苑

文登蓬萊閣下石壁千丈為海浪所戰時有碎裂淘

灑歲久皆圜孰可愛土人謂此彈子渦也取數百枚

燕物類彙編卷廿六

石屬海石二

以養石菖蒲且作詩遺堊慈堂充人蓬萊海上峰玉
立色不改孤根捍滔天雲骨有破碎陽侯殺廉角陰
火發光采累累彈丸間瑣細成珠琲闊浮一漚耳真
妄果安在我持此石歸袖中有東海垂慈充人
東坡養
生集
浮石乃江海間細沙水沫凝聚日久結成者狀如水
沫及鍾乳石有細孔如蛀窠白色體虛而輕今皮作
家用磨皮垢甚妙海中者味鹹入藥更良抱朴子云
燒泥為瓦燔木為炭水沫為浮石此皆去其柔脆變

為堅剛也交州記云海中有浮石輕虛可以磨脚黃
水飲之止渴即此也明李東璧
本草綱目
康節云石入水則沈而南海有浮石之山木入水則
浮而南海有沈水之木虛實之相反也肝屬木當浮
而反沉肺屬金當沈而反浮肝實而肺虛也吳郡皇
甫庸近
峰間略
續說郭
嶺南有海石如羊肚大者七八尺然無色澤不足貴
聞有浮石亦類羊肚而敗絮其中置之水中則浮以
語它鄉人未必信也明陳留謝肇
淵五雜俎

無功類集卷十六 石屬 海石 三

楚詞東海有浮石之山又云在南海體輕常浮于水

面云明瓌崑玉古今類書纂要

山海經錢來之山多洗石注洗石可以礪體去垢圻

圻音甲成都楊慎病榻手吹○續說郛

白山在於潛縣南五十三里下臨深潭上有浮石色

純白有患氣疾浮腫者擣石服之多愈浙江布政司

抱朴子曰燒沉為瓦燔木為炭蜂窠為蠟水沫為浮

石凡此皆去其柔脆變為堅剛淵鑑類玉

浮石能治肺此皆水火之變用余琰席上腐談曰肝木當浮而反沉肺金當沉而反浮蓋肝實肺虛也故石入水則沉而南海有浮水之石木入水則浮而南海有沉水之香抱朴子曰燒泥為瓦燔木為炭水沫為浮石此皆去其柔脆變為剛堅也中通曰桐城浮山會聖宮下有

浮石土中青石燒成石灰其不成灰者燒之其汁如油油盡則石枯可以浮之水上是又一種浮石也外紀語厄利亞湖中有小島無根因風移動則有小浮水上如葑田者矣聞盧若騰年伯曰浯島洞中石湧石浮水面相擊如鐘鷺島有風動石甚大而過風動搖以一指撥之亦搖而千指之力反屈焉因附記于此○清皖桐方氏浮山此藏軒物理小識

機 謹按余琰當作俞琰

浮石某先生功行甚至遇異人與藥一丸日若見浮石而後服之則仙道成矣先生如教每遇石必投諸水後峽上將渡江有叟艤舟相待問其姓曰石氏問地所屬曰涪州先生豁然而悟遂服藥即時輕舉

總志


海石產縣南海島黑色大者可立五六圖可作假山

亦可點綴盆景 萊陽縣志


浮石一名水花出冶山通體虛靈入水不沒人取以

種蒲 六合縣志

麻物類纂卷十六



温石



麻物類纂卷十六

石屬 温石

本草綱目卷之六

温石

温石及燒磚土之得熱氣徹腰腹久患下部冷久痢腸腹下白膿燒磚并温石熨及坐之並差但取堅石燒暖用之亦别有温石也陳藏器餘○宋唐慎微證類本草福祿山萊州西五里出温石可為器又有金山馬鞍優游雄山土山君山皆縣境內元子思容齋乘温石出掖縣色兼青白潤膩如玉味甘無毒可備藥

物山東通志

機

謹按本邦諸州有之陸奥州筑前州產者最佳

麻物類纂卷十六

所謂青白潤膩者也。又市中有錠青粘土而稱温石者。雖非真物。然燒熟充暖腰腹之用。則可矣。

陰陽石

庶勿類纂卷十六

石屬 陰陽石

一

荆州記

陰陽石

荆州記根山縣有一山獨立峻絕西北有石穴以獨
行百步許有二大石其間相去一丈許俗名其一為
陽石一為陰石水旱為災鞭陰石則雨鞭陽石則晴

晉盛弘之
荆州記

機謹按潜確類書引荆州記獨作燭

夷陵有陰陽石陰石常潤陽石常燥旱則鞭陰石必
雨久雨鞭陽石則止

晉虞喜志
林○說郭

荆州圖副曰宜都有石穴穴有二石相去一丈俗云

焦勿須集卷十六

石屬 陰陽石 二

其一為陽石其一為陰石水旱為災鞭陽石則雨鞭

陰石則晴唐歐陽詢藝文類聚

夷陵有陰陽石陰石常潤陽石常燥旱則鞭陰石雨

則鞭陽石皆應宋魯應龍括異志

荆州圖曰夷陵縣西一獨山有石穴二大石並立穴

中相去一丈俗名陰陽石陰石常溫陽石常燥淵鑑類函

Vertical text on the right edge of the page, likely a page number or index marker.

